

Familiarization, Internalization, Articulation (FIA) Key Terms © 2025 Word Collective Released under CC BY-SA 4.0 license. Familiarization, Internalization, Articulation (FIA) Key Terms has been adapted in the following languages Tok Pisin, عربي, Français, हिंदी, Bahasa Indonesia, Português, Русский, Español, Kiswahili, 简体中文 from Familiarization, Internalization, Articulation (FIA) © 2025 Word Collective. Released under CC BY-SA 4.0 license by Mission Mutual

D

david

Devit em i bin namba tu [king](#) bilong [Israel](#). Em i bin stap long 1000 yia bipo long Jisas i bon.

Devit em i laspela pikinini man bilong wangepa man, nem bilong em Jesi. Devit i bin save lukautim ol sipsip bilong papa bilong em. Jesi na famili bilong em i bin stap long wangepa ples ol i kolim [Betlehem](#). Ol bikipela brata bilong Devit em ol soldia insait long ami bilong King Sol, em i namba wan king bilong Israel. King Sol i bin sakim tok bilong God, olsem na God i bin rijektim em. Bikos long dispela, God i tokim [profet](#) Samuel long [anointim](#)-we i min olsem makim-Devit olsem neks king. Tasol dispela em i stap olsem wangepa sikret pastaim, na Sol i stap olsem king long sampela moa yia. Devit i kamap olsem wangepa komanda insait long ami bilong king, na God i helpim em, olsem na long han bilong Devit, Israel i bin winim planti pait. Devit em i bin popula tru wantaim ol manmeri, na best pren bilong en em Jonaten, wangepa pikinini man bilong King Sol. King Sol i kamap jeles long Devit na i traim long kilim em moa long wangepa taim, olsem na Devit i nid long ranawe. Devit i bungim wangepa grup man husat i bihainim em na em i stap longwe long ol manmeri long ol maunten. King sampela taim i save ronim Devit, na Devit, moa long wangepa taim, i bin gat sans long kilim king, tasol em i no kilim king.

Wangepa taim, taim King Sol na ami bilong em i bin pait wantaim sampela enem, **ol Israel** i bin lus long pait na King Sol wantaim ol pikinini man bilong en, em ol birua i kilim ol. Bihain long dispela, ol manmeri bilong Israel i bin mekim Devit i kamap king bilong ol. Devit i stat long stap insait long [Jerusalem](#), we i kamap olsem wangepa bilong ol impoten siti tru insait long Israel.

Devit i kamap olsem king we Israel i save laikim tru. Em i save laikim God na trastim em. Olsem na God i bin kolim em olsem wangepa “man i laikim hat bilong mi.” Devit i laikim tru long bildim wangepa [tempel](#) bilong God, tasol God i tokim Devit olsem i no Devit, tasol wangepa pikinini man bilong Devit, bai bildim dispela tempel. Na God i mekim wangepa impoten promis tru long Devit. God i bin promisim Devit olsem wangepa bilong ol **lain tumbuna** bilong em bai rulim Israel olgeta taim.

Dispela em i no min olsem Devit i no bin mekim rong. Tru tru em, Devit i bin mekim sampela samting nogut: Em i bin mekim [adaltri o raun wantaim meri bilong narapela man](#) na

em i bin kilim man. Tasol em i **bin ripent** long **ol sin** bilong em, na God i fogivim em. Maski God i **bin fogivim** em, ol sin bilong Devit i mekim na stat long dispela taim na i go, olgeta taim i save i gat pasin bilong kros na pasin bilong pait insait long famili bilong em, na planti bilong ol pikinini man bilong em i bin dai. Sampela bilong ol pikinini man bilong Devit i bin traim long kisim ples bilong papa bilong ol olsem king taim ol i yusim fos, na wangepa taim Devit i bin ranawe long pikinini man bilong em yet!

Taim Devit i kamap lapun tru, em i mekim pikinini man bilong em Solomon i kisim ples bilong em na kamap king.

Handretpela yia bihain long dai bilong Devit, [nesen](#) bilong Israel i no stap moa. Ol Israel i bin sakim tok bilong God, na long panisim ol, God i salim ol lain long narapela kantri i kam na bosim ol. Ol narapela lain i winim ol Israel insait long pait, na long dispela taim i go, ol narapela nesen i bin rulim ol. No gat wangepa tumbuna bilong Devit i bin rulim Israel. Tasol God i no save lus tingting long wangepa promis, olsem na ol manmeri i wok long wet long God long givim ol wangepa tumbuna bilong Devit olsem king gen. God i fulfilim dipela promis wantaim Jisas.

decapolis

Dekapolis em i min olsem “10-pela siti.” Dispela wod em i toktok long wangepa eria i stap long ist bilong [Raunwara Galili](#) na [Wara Jodan](#). Planti manmeri we i stap long hap em ol i no **ol Ju**.

demon

Ol dispela wod **dimon**, **ivel spirit**, o **anklin spirit** em olgeta i toktok long seim samting. Wangepa dimon em i wangepa spirit we i save sakim tok o rebel agens long God. Lida bilong olgeta dimon em ol i kolim em [Satan](#), em [devel](#), o sampela taim Belsebul. Bikos God i wokim olgeta samting we i stap tude, God i wokim tu ol dispela spirit. God i bin wokim ol gutpela, olsem **ol enjel**, long mekim wok bilong em. Tasol sampela **ol enjel** i rebel agens long God na i no laik stap aninit long God, na ol dispela enjel i kamap ol ivel spirit o spirit nogut. Ol dispela ivel spirit i save traim long bagarapim na giamanim ol manmeri.

Ol dimon i save kontrolim ol manmeri na ol manmeri i save kamap sik o mekim ol narakain pasin. Taim wangepa dimon i kontrolim wangepa man o meri, yumi tok olsem dispela man o meri em i “**dimon poses**.” Wangepa man o meri husat dimon i posesim em i ken kamap yau pas, maus pas, o i ken guria guria olsem em i gat epileptik atek o sik guria. Dispela man o meri em i ken kamap vailent tru o kros na pait na singaut.

Ol Ju manmeri i bin traim long rausim ol dimon long ol manmeri taim ol i save mekim ritsuel pasin o kastom wok bilong banisim ol manmeri longpela taim. Tasol Jisas i bin rausim planti dimon long ol manmeri taim em i stap long graun, na em i mekim dispela taim em i komandim ol dimon long go!

Ol dimon em ol i save kolim ol tu olsem ol ivel spirit. Dispela em i mekim klia olsem as tingting bilong ol em i **ivel**. Sampela taim ol i save kolim ol olsem ol anklon spirit. Samting we i **anklon o i no klin** em i no fit long mekim wok bilong God.

Taim yu trensletim dimon, yu mas lukaut long ol dispela samting:

Ol dimon em ol i no spirit bilong ol manmeri husat i bin dai pinis, maski long planti kalsa, ol i ken priten olsem ol i spirit bilong ol manmeri i dai pinis. Sapos yu nid long yusim wanpela wod we i min olsem spirit bilong ol dai manmeri, orait yu mas save olsem ol manmeri bai nid long lainim olsem ol dispela spirit em ol i no tru tru spirit bilong ol dai manmeri, tasol ol i wok long priten olsem ol i spirit bilong ol dai manmeri.

denarius

Wanpela **denarius** em i wanpela silva koin we ol Rom i bin mekim na ol i save yusim olsem mani long taim bilong Jisas. Wanwan denarius em i gat imij bilong empera bilong Rom antap long em. Wanpela odineri woka o wokman we i save kisim pe, em i ken mekim wanpela denarius insait long wanpela de.

descendant

Wanpela **lain tumbuna** bilong wanpela man o meri, em ol tumbuna pikinini bilong em, na olgeta fiutsa generesen o lain manmeri we i kam long dispela seim famili lain. **Ol Israel** em ol lain tumbuna bilong Jakob, tumbuna pikinini **bilong Abraham**. Jakob em i tumbuna papa bilong ol lain Israel.

desert

Wanpela deseto **ples nating** em i wanpela ples we nogat man i stap long en na i nogat diwai, gras samting na i no gat wara tu. Klostu i no gat wanpela diwai o liklik gras i gro insait long wanpela deseto. Dispela graun em i drai na i gat planti ston na ol wail animal i save raun raun long em. Ol manmeri i no save stap long deseto.

devil

Dispela nem **Satan** em i min olsem birua, enem, o akyusa. Em i nem bilong **Devel**, lida bilong olgeta **ivel spirit**.

God i bin kamapim olgeta samting we i stap nau, olsem na God em i bin wokim ol spirit tu. God i bin wokim ol gutpela, olsem **ol enjel**, long mekim wok bilong em. Tasol sampela ol enjel i rebel agens long God na i no laik harim tok bilong em, na bihain ol i kamap ol ivel spirit o spirit nogut. Namba wan bilong ol ivel spirit we i gat moa pawa em ol i save kolim em devel, o Satan.

Satan em olgeta taim em i save traim long bagarapim wok bilong God. Satan i save traim o temptim o traim ol manmeri long sakim tok bilong God. Em i save traim long mekim ol manmeri i givim baksait long God taim em i giamanim ol. Satan em i gat moa pawa na em i denjeres, olgeta taim em i save painim ol we em i ken wok agensim God na agensim ol manmeri bilong God.

Bikos Satan em i pawaful yet long dispela taim, sampela taim Baibel i save kolim em “rula bilong dispela graun.” Sampela taim Satan em ol i save kolim em **Belsabab**, we i min olsem “masta bilong ol hai ples o ples we i stap antap.” Sampela taim ol i save kolim em **Disiva o man bilong giaman**. Sampela taim ol i save komperim em i go long wanpela dragon o wanpela snek.

Tasol, God em i strong moa long Satan. Taim Jisas i bin dai na i **kirap bek**, God i bin brukim pawa bilong Satan. Maski God i larim Satan long yusim pawa bilong em yet long nau, taim Jisas i kam bek, Jisas bai winim Satan olgeta. God bai panisim Satan na olgeta ivel spirit, na ol bai no inap long wok agensim God na ol manmeri bilong em gen.

disciple

Wanpela **disaipel** em i wanpela man o meri i save stap olsem sumatin na bihainim wanpela tisa bilong lotu.

Long Nupela Testamen, ol manmeri husat i bihainim Jisas na i laik long kisim save long en em ol disaipel. Sampela taim Jisas i salim aut ol disaipel long grup long pritsimgut **nius** olsem **kingdom bilong God** i kam pinis na **oraitim** ol sikman.

Jisas i bin makim 12-pela man tu long kamap ol spesel disaipel bilong em. Dispela liklik lain em ol i save kolim ol olsem “ol 12-pela disaipel,” o “ol 12-pela.” Dispela ol lain i bin bihainim Jisas long olgeta hap, kisim save long em na lukim ol samting em i mekim. Dispela 12-pela disaipel em yumi kolim ol tu olsem **ol aposel**. Wanpela aposel em i wanpela man o meri husat i bin kisim wanpela spesel **atoriti** long Jisas.

Bipo long Jisas i go bek long **heven**, em i tokim ol disaipel bilong em long “go aut na mekim olgeta manmeri bilong olgeta **nesen** i kamap disaipel bilong

em.” Olgeta man husat i trastim Jisas na i laik harim tok bilong en em ol i disaipel bilong Jisas.

Sampela taim dispela wod “ol disaipel” em ol i save yusim long wanpela bikpela grup manmeri, na sampela taim em i minim ol 12-pela disaipel tasol we Jisas i bin makim.

Taim yu wok long trensletim disaipel, yu mas lukaut long ol dispela samting:

Sapos tok ples bilong yu i gat wanpela wod we i minim folowa bilong wanpela tisa we ol manmeri i save rispektim, orait yu inap yusim dispela wod long hia.

Tingim olsem yu nid long i gat wanpela narapela wod bilong yusim long minim [aposel](#) tu.

divination

Divinesen em i wanpela we bilong toktok wantaim ol spirit o ol god. God i putim strongpela tambu long ol pipol bilong em long yusim divinesen.

Ol pipol bilong ol narapela nesen i yusim divinesen long painim aut wanem samting bai kamap long bihaintaim, o wanem mining bilong wanpela driman o long sampela narakain samting we i kamap. Sampela taim ol man i yusim divinesen long painim aut wanem em best taim long mekim wanpela kain ektiviti; kain olsem, long painim aut wanem taim long statim wanpela atek long narapela country.

I bin gat ol kainkain we em ol pipol i bin mekim save divinesen. Eksampel, sampela lain i save kilim wanpela animal na bihain lukim hau ol ogen bilong dispela animal i stap. Sapos ogen i luk wanpela kain we, orait ol i ting olsem wanpela kain samting bai kamap. Sapos em i luk narakain we, orait narapela samting bai kamap. O, ol pipol i lukluk long hau smok i muv taim ol i kukim samting, na ting olsem ol kainkain muvmen i gat ol kainkain mining. Ol narapela lain i lukluk long ol sta na ol plenet long skai na kisim mining long ol posisen bilong ol.

God i bin tambuim ol pipol bilong em long yusim divinesen. Ol pipol bilong God i no nid long yusim ol kain kastom pasin olsem long painim aut wanem samting God i laikim! God i tokim ol pipol wanem samting em i laikim long ol long ol Skripsa bilong em na long ol mesenja husat i autim ol mesej bilong God, na ol pipol bilong God i nid long trastim God long ol samting we i bai kamap long bihaintaim.

divorce

Divos o bruk marit em i wanpela pemanen na ligel separesen namel long wanpela man na meri bilong em. Insait long Olpela Testament, [lo](#) bilong God i

alawim wanpela man long divosim meri bilong em sapos em i ting meri i bin gat wanpela rilesensip wantaim narapela man. Tasol, God i mekim klia olsem em i heitim divos. God i laikim man na meri bilong em long stap wantaim na gat gutpela sindaun na dediketim tupela yet long wanpela narapela.

Insait long Niupela Testament, Jisas tu i tisim ol manmeri olsem divos i rong. God i wokim bai man na meri bilong em bai stap wantaim gut.

donkey

Wanpela **donki** em i wanpela animal we i bikpela inap long karim ol hevi kago o ol manmeri. Ol manmeri i save lukautim ol donki bilong helpim ol long wok insait long ol fild bilong ol o long karim ol samting. Wanpela donki em i wanpela animal we i makim pasin bel isi, na em i no wankain olsem wanpela hos, we i wanpela bikpela animal we ol soldia i save ron antap long en taim ol i go pait long ol woa.

dove

Wanpela **dav o waitpela balus pisin** em i wanpela kain pisin we planti i save stap long [Israel](#). I gat kainkain taip na sais bilong ol dav. Sampela em ol i wait na ol narapela em ol i gat ol spot o i gat moa long wanpela kala. Wanpela dav em i wanpela pisin we i save stap isi na i no save kros na pait. Ol dav i ken flai longpela distens, na ol i gutpela tru long painim rot bilong ol i kam bek long ples o haus bilong ol.

God i laikim **ol Israel** long ofarim ol animal **sekrifais** i go long em long taim ol i mekim ol kainkain kastom wok. Planti taim ol dispela animal em ol sipsip, meme, o ol man kau. Long ol turangu manmeri, ol dispela animal bin i ekspensiv tumas. Olsem na God i larim ol manmeri long sekrifaisim tupela dav.

Taim Jisas i **bin baptais**, [Holi Spirit](#) i bin kam daun long em olsem wanpela dav pisin. Dispela em i no min olsem Holi Spirit em i wanpela dav, em i min tasol olsem Holi Spirit i luk olsem wanpela dav pisin.

drachma

Wanpela **drakma** em i wanpela silva koin bilong Grik we i mak olsem pe bilong wanpela de. Ol manmeri long taim bilong Jisas em ol i bin save yusim silva koin bilong Rom we ol i kolim [denarius](#), tasol em i tru tu olsem sampela taim ol manmeri long taim bilong Jisas i bin yusim silva koin bilong ol Grik we ol i save kolim ol drakma. Em i ken tru tu olsem ol manmeri i bin save yusim wod drakma long toktok long wanpela denarius. Wanpela denarius em i klostu seim sais na mak bilong pe olsem wanpela drakma.

dream

Taim yu wok long slip, na yu ekspiensim sampela samting we i no kamap tru tru, o yu wok long lukim ol samting we i no stap tru tru, em yu wok long gat wanpela **driman**. God i ken yusim ol driman long toktok long ol manmeri. God i ken yusim ol driman long tokim ol manmeri long wanem samting bai kamap long fiutsa, o long tokim ol long wanem samting ol i nid long mekim.

Wanpela driman em i narakain long wanpela **visen**. Wanpela driman i save kamap taim yu slip, tasol wanpela visen i save kamap taim yu kirap i stap. Taim yu gat wanpela visen, yu lukim samting o harim samting we ol narapela manmeri raun long yu i no inap lukim o harim, maski ol i stap klostu stret long yu. God i save yusim ol visen tu long toktok long ol manmeri, wankain tasol olsem em i save yusim ol driman.